

کورسیلی زاده محمد فؤاد  
استانبول دارالفنوننده « تورك ادبیاتی تاریخی » مدرسی

# فضولی

## هیاتی و امری

یکی شرقی کتبخانه‌سی - استانبول

۱۹۲۴



# فضولی

مبانی و اثری

۱

یالکیز ادبی نفوذ و تأثیرینک وسعت و دوامی دکل اثرینک بدیی قیمتی اعتباریلده تورک ادبیاتینک اک بویوک سیماسی اولارق طانیدیمیز «فضولی»، عراقی تورکلر ننددر؛ ولهجهسی اعتباریلده «آذری» عنوانی ویردیکنز لسان دأرمنه منسوبدر. اسکی تذکره جیلرمندن صوک آوروپا مستشرقلرینه قدر «فضولی» دن بحث ایدهلر بو حقیقی آز چوق ادراک ایتشلر سده، «کیپ»، «هوار»، و «قریمسکی» ده داخل اولق اوزره هیچ بری آذری ادبیاتینک تکاملنه اصلا واقف اولامادقلرندن، اونو عثمانلی ادبیاتی دأرمنه سنده ایضاحه چالیشمشلر، وطیبی، بوسعیلرنده هیچ موفق اولامشلردر. عراقلی شاعره عائد تاریخی وثیقلر، اسقله اعتراف ایدلمکه، بک آزددر؛ بویله اولدینی حالد، شیمدی به قدر حق بو محدود وثیقلردن بیله تمامیه استفاده ایدیلهمهسی، البته معذور کوروله من. «فضولی» نک حیاتی و اثری حقنده غایت مجمل فقط مثبت و تاریخی بر فکر ویرمک مقصدیله یازدیمیز بو کوچوک خلاصه ده، عراقلی شاعره دأر شیمدی به قدر کوزه چارباش وثیقلردن تماماً استفاده ایتسکله برابر، ادبیات تاریخی حقنده کی معین و معلوم اصولرمنه ده صادق قالارق، بو صنعت دهاسنک ناصل بر محیطده ونه کی عامللر تأثیریله تشکل ایتدیکنی، و مؤخرأ تورک ادبیاتینک عمومی تکاملی اوزرنده کی تأثیراتی مثبت بر صورتده ایضاحه چالیشدق. بناءً علیه دوشوردن دوشرویه «فضولی» بی تدقیقه کیریشمهدن اول، اولاء عراق و آذربایجان تورکلرینک لهجهسی اولان آذری لهجهسیله بولهجه ادبیاتینک «فضولی» به قدر کچیردیکی تکامل دورلری حقنده عمومی معلومات ویره جکنز.

## « فضول » به قدر آذری اریانه به نظر

اورغوز لهجه سی : آذری  
و مثال شمه لری

تورکلر، چوق واسع و یکدیگر نندن چوق فرقلی شرائطه  
تابع جغرافی ساحه لرده، مختلف مدنیتلرله تماس ایده رک،  
مختلف سیاسی حاکمیتلر آلتنده یاشادقلری ایچون، تورک  
لسانی تا اسکی زمانلردن بری برطاقم لهجه لره آیریلشدر. بونلر میاننده قسم اعظمی کوچوچک  
بردائره به منحصر محلی «شیوه» لردن، یا خود، تحریر لسانی حاله کله مه مش ابتدائی لهجه لردن  
عبارت سده، مختلف عامللرک تأثیری آلتنده عصرلردن بری «ادبی لسان» حاله کلش و برچوق  
ادبی محصوللر وجوده کتیرمش «لهجه» لرده وارد. تورک لساننک اسکی محصولاتی  
بو نقطه نظرلردن یعنی محلی «باتوا» لرک فوقنده و کنیش بر جغرافی ساحه ده ادبی  
لسان حکمنه کیرمش لهجه لری اعتباریله تدقیق ایده چک اولورسه ق، دهاها هجری  
بشنجی عصرده «شرقی» و «غربی» اولارق ایکی ادبی لسان زمره سی کورورز ؟  
برنجیسی، «خاقانی» تورکجه سی، ویا ساده جه «تورکجه» دینلن شرق تورکجه سیدرکه،  
مؤخرأ «چغتایجه» دینلن ادبی لهجه نک اساسی تشکیل ایتشدر. دیگر «اورغوزجه»  
درکه، آناطولی وروم ایلی تورکلریله قافقاس، آذربایجان، عراق و الجزیره تورکلرینک  
لسانیدر؛ و مؤخرأ «آذری» «عثمانلی» ناملریله ایکی مختلف لهجه به آیریلشدر. آذری  
لهجه سنک تشکله سبب اولان اک مهم عامل، موغول-تیلانسی متعاقب شرقه کلن اورغوز  
کتله لرینک، اسکی اورغوز کتله لرینک ثروت لسانیه سنه  
آذری لهجه سی ناصل ونه زمان  
تشکل ایتدی

لسانی، قومی، ادبی مختلف عنعنه لری یعنی اسکی «اورغوز  
حرثی» یکیدن جانلاندیرمه لریدر. اساساً-اچوقی- عثمانلی لهجه سنک اسکی و ابتدائی شکلله  
آذری لهجه سی آراسنده همان هیچ برفرق یوقدی، دییه بیلیرز. لکن، برطرفدن عثمانلی  
لهجه سنک دیگر نندن چوق فرقلی عامللر تأثیریه سرعتی بر صورتده تکاملی، دیگر طرفدن  
آذری لهجه سنک عثمانلیجه دن تماماً آیری شرائط دائره سنده و دهاها فضله ایران تأثیری  
آلتنده قلماسی، بو آیریلقلری تزید ایتشدر. بوگونکی آذری لهجه سنده برطاقم صرفی

شکل و بر طاقم کمال وارد رک ، اليوم ادبی لسانم زده قوللانیلما مقله برابر ، یا  
 آناطولینک محلی شیوه لرنده و یا اسکی ادبی لسانم زده موجودر . آذری لهجه سنک  
 ساجوقی - آناطولی لهجه سندن آیری ادبی برلسان ماهیتی آلماسنه باشلیجه سبب ، آذری  
 ساحه سنک آناطولی مراکز سیاسی سه نه تابع اولمایه رق مستقل دولتره مقرر تأسس اولماسی ،  
 مؤخر آده قارا و آق قویونلور ، صفویلر کی تورک خاندانلرینک اداره سی آلتنده  
 عثمانیلردن آیری - حق مذهب اعتباریله اونلره شدتله خلافتکیر - دیگر بویوک  
 بر اداره سیاسی نه سنی تشکیل ایتمه سیدر . ایرانک قوتلی غنماتنه مربوط قالمه یی  
 کندیلری ایچون اساسی بر سیاست عد ایدن و عثمانیلرک غرب ملت و مدینتیلریله  
 تماس ایدم رک اوروپا ایچلرینه ایلرله مه سه نه مقابل داها فضله آسیائی و عشری بر ماهیت  
 محافظه ایلرین صفوی خاندانی ، آذری ساحه سنی - هیچ اولماز سه قسماً - «شیعیلک»  
 رابطه سیله دیگره اوغوز - آناطولی ، تورکارندن آیرماسه یدیلر ، استانبول سراینه مربوط  
 اولاجق اولان اوساحه ، حقیقت حالده آذری ساحه سی اولان سائر «شرقی آناطولی»  
 مملکتلری کی ، عثمانی لهجه سنی تحریر لسانی اولارق قبول ایدم جک و آذری لهجه سی  
 شیمدی کی کی ادبی بر ماهیت آلامایه جقدی . مرکزیت سیاسی نه ک و اولجه تقریر ایتیش  
 ادبی لهجه نه ک محکم نه ک بو خصو صده چوق بویوک بر تأثیری واردر : «تیمور» و  
 چو چوقلری زماننده خراسان و ایرانده یقینن تورک شاعرلری ، مؤسس برلسان  
 ادبی اولان و سربلرده قونوشولان «چغتایچه» بی قوللاندقلری حالده ، «صفویلر»  
 دور اعتلا سنده ینه عینی یرلرده یقینن شاعرلر داها فضله آذری لهجه سنی استعمال  
 ایدیورلردی . اگر آذری ساحه سی یا عثمانیلرک ، یا خود ، چغتایچی رسمی و ادبی  
 لسان اولارق قبول ایدن متعصب و سنی المذهب «اوز بک» خانلرینک حاکمیتی آلتنده  
 قالمه یدی ، اوزمان قلاسیق آذری ادبیاتی انکشاف ایدمیه جک ، و اوساحه لرده  
 یالکنز آذری خلق ادبیاتی یا شایه رق ، قلاسیق شاعرلر عثمانیچه بی یا خود چغتای لهجه سنی  
 ادبی لسان اولارق قوللانه جقلردی . مع مافیه ، بوتون بو آیریلقلره و بو اوج لهجه  
 ادبیاتنک خصوصی برر خط تکامل تمقیب ایتمه لرینه رغماً ، بو لهجه لر ادبیاتلری  
 آراسنده دائماً صبقی رابطه لر موجود اولمش ، «نسیمی» ، نوائی ، فضولی ، کی  
 بویوک صنعتکارلرده بو خصو صده بک مهم روللر ایفا ایتشلردر .

بوکون آذری لهجه سنک حکمران اولدینی ساحه شودر: اوله،  
 آذری لهجه سنک جنوبی قافقاسیا [ یعنی اسکی اران ] تورکرینک متمکن اولدقاری  
 بوکونکی ساحه قافقاس آذربایجانی ایله ایران آذربایجانی که ، آذری تورکراری  
 بوراده بک مهم برکشافه مالکدرلر؛ ثانیاً، داغینیق برحاله همدان حوالیسی، فارسستان،  
 خراسان و طهران ولایتلری. عراق و شرقی آناتولی اها لیسندن مهم برقسیمی ایچون آذری  
 لهجه سی بوکون ساده جه تکلم اسانی ماهیتده قلمش، عثمانلی حاکمیت سیاسی سی آلتنده یاشا-  
 دقاری جهنله مرکزیت تأثیرله استانبولک معنوی و لسانی نفوذی ادبی لسان اوزرنده حکمران  
 اولمشدر. برآزاول ایضاح ایتدی کمز و جهله، مرکزیت سیاسی نک ادبی لسان اوزرنده کی  
 تأثیری بالخاصه اسکی زمانلرده او قدر بویو کدرکه، مثلاً «بغداد» آق قویونلورده، صفویلره  
 تابع بولوندجه « تبریز» لسانی، عثمانلیلرک الله کچدکن صوکراده استانبول لهجه سی  
 اوراده یتیشن شاعرلر اوزرنده طبیعتله اجرای تأثیر ایتمشدر. چونکه سرای و سرای  
 عنعنله رینه صادق اولان امرا، شاعرلر ایچون باشلیجه استنادکاهی تشکیل ایدیوردی.  
 مع مافیة خلق ادبیاتی، خطاب ایتدیکی کتله اعتبارله، شیوه خصوصیتلری دائماً محافظه  
 ایتش، کندی سیر طبیعتی سی تعقیب ایله مشدر. آذری

آذری ادبیاتک منبعلری: تورکراری و لهجه لری حقنده ویردی کمزی بو ایضاحاتدن  
 § ۱ خلق ادبیاتی صوکره، آرتق دوغرودن دوغرویه آذری ادبیاتک منشأ

و انکشافی مسئله لری تدقیقه باشلایه بیلیرز. آنجاق، بو ادبیاتک ماهیتی حقنده صریح  
 بر فکر ویره بیلمک ایچون، ابتدا بونک منبعلری حقنده برآز ایضاحانه احتیاج واردر.  
 سائر لهجه لر ادبیاتلری کی آذری ادبیاتی ده باشلیجه ایکی بویوک منبعدن استفاده ایتش،  
 اولردن آلدینی عناصرک برلشمه سیله وجود بولا بیلمشدر: بونلرک برنجیسی خلق  
 ادبیاتی، ایکنجیسی اسلامی ایران ادبیاتی تأثیردر. آذری ساحه سی تورکرینک  
 اصلی و کشف کتله سی تشکیل ایدن اوغوزلر آراسنده، دها بوساحه لره کله دن چوق  
 اول، قوتلی بر خلق ادبیاتی، خلق شاعرلری ( اوزانلر )، خلق تورکو و ماصاللری  
 موجود اولدینی مختلف اثرلر مزده تفصیلاً کوسترمشدک. موغول استیلا سی متعاقب  
 بوساحه لره یکیدن کشف اوغوز کتله لری کله سی، اسکی حرنک جانلار ماسنی و خلق  
 ادبیاتک بورالرده فہمی و مرکزی آناتولیده کندن چوق دهاقوی واصلی برما هیتمده  
 قالماسنی موجب اولدی. « دده قورقوت » حکایه لری بورالرده عصرلردن بری قوتله

پاشادینی کبی، حالا بیله بوسبوتون اونوتولماشدر . بیژانسلیلر ، کورجیلر ، ارمیلرله حال حربده بولونقلری ایچون حسیات جنسکاورانه لری دائما حال تیقظه اولان بوساحه نورکاری آراسنده ، اللرنده قوپوزلرله جنک دستانلری ، دده قورقوت منقبه لری ترنم ابدن برطاقم اوزانلر بولوندینی وبوشفاهی ادبیاتک خلق کتله سنی عصرلرجه تطمین ایتدیکی محققدر . اوغوز حرثک آذری ساحه سنده بوتون قوت وصفوتی محافظه ایتدیکی، المزده کی «دده قورقوت» حکایه سنک بوساحه ده تئیت اولونماسی و «کور اوغلو» شاه اسماعیل ، اصلی ایله کرم ، کبی خلق حکایه لرینک ینه بوشرقی ساحه لرده تشکلی ایله پک قولای انبات اولونه بیلیر . ایشته ینه بوسیددن دولاییدرکه ، قلاسیق آذری ادبیاتی تشکل ایتدکن صوکراده ، بوادییات دائره سنده خلق تأثیراتنک داها قوتله محسوس اولدیغی ، قلاسیق شاعرلرک خلق وزتی بوسبتون اهامال ایتمه دکلیغی ، «طویوغ» نامی آلتنده کی ملی شکک ینه بوراده تیکونی کوریورز . اساساً چوق قوتلی وچوق «اوربزیال: شخصی وابداعی» اولان خلق ادبیاتک بونفوذی، مستقبل آذری ادبیاتی ایچون شبهه سز پک مفید اولمش، اوکاباشقاچه برخصوصیت ویرلمشدر.

§ ۲ اسلامی ایران  
تأثیراتی

کاشغردن «بودایشته» یه و «سرای» دن «قاهره» یه قدر کنیش بر ساحه یه یاییلان تورکر ، عمومیتله ، اسلام مدینتک واسلامی ایران ادبیاتنک قوتلی تأیری آلتنده قالدقلرندن ، قلاسیق آذری ادبیاتنک تشککده بو عمومی نفوذی ده نظردن غیب ایتمه ملیدر . جغرافی موقعلری اقتضاسی اولارق ایرانه لک چوق تماس ایدن اوغوز تورکاری، شهرلرده بوتضیق اعظمی صورتنده دوبدیله: داها ساجوقیلر زمانندن باشلایه رق خوارزمیلر ، ایله خانیلر ، جلایرلر . کبی مختلف سلاله لر دورنده، سرایده، مدرسه ده ، حکومت دائره لرده فارسی لسانی حکمران اولدی . نسلاً تورک اولان عجم شاعرلری تورک حکمدارلرینه فارسی اثرلر تقدیم ایدیورلر ، سرایلرنده تورکجه قونوشولان حکمدارلر بیله بربریه فارسی مشاعره ده بولونیورلردی. «خوارزمیلر» زماننده تورکجه بویوک براهیت قازاناماشدی؛ موغول استیلاسی متعاقب موقت بر زمان ایچون سنده له یین عجم حرثی ، موغوللرک اسلامیه قبولندن صوکره، سرایلرده تکرار قوتله ندی : موغول تاریخ وشنه نامه لری عجمجه یازیلدور ، عربجه داها فضله دینی مؤلفانده قولانیلیوردی . «تبریز» کبی بویوک نورک مرکز لرده «تورکجه» خلقت تکلم لسانی تشکیل ایتمکله برابر ، مدرسه لرده

ویوکسک محفلارده عجم حرنی حکمراندی . تورکلرله بوقوتلی تماسک فارسی اوزرنده کی تأثیری ، برجوق تورکجه وبرآز موغولجه کله وتعبیرلرک عجمجه به کجهمسی ، بعض شاعرلرک « فارسی - تورکجه - موغولجه » ملهملر یازمهمسی ، « ابن مهناه نک اثری قییلندن بعض لغت کتابلرینک میدانه چیقهمهمسی اولدی . هر حالده ایران ادیبانی، بو آذری ساحه سنده، موغول استیلا سندن سوکراده انکشافه دوام ایتمش ، ویکي تشکله باشلايان قلاسیق آذری ادبیاتنه نمونه وظیفه سنی کورمشدر .

آذری ادبیاتنک ایلك «اوغوزجه، نک هنوز «شرقی» و «غربی» اولارق ایکی ادبی دورلی لهجه به آیریلما دینی ایلك زمانلرده آذری ساحه سنده نه کی تورکجه

اثرلر وجوده کلدیکی لایقيله بيله مبورز . لکن ، کرک بوزمانلرده کرک موغول استیلا سندن سوکرادی ایلك دورلرده میدانه چیقان اثرلرک ، عمومیتله « سلجوقی - آناطولی » اثرلرندن همان همان فرقسز اولدینی سویله به بیلیرز . هله سلجوقیلرک ائنده کی شرقی آناطولی شهرلرنده یازیلان اثرلر، عراق، ایران و آذربایجانده کی عمومی آذری لهجه سندن خارج صابیلانماز . ایشته بوندن دولای ، بالخاصه هجری سکننجی عصره قدر « آذری » و « سلجوقی - عثمانلی » ادبیاتلرینک انکشافی عادتا مشترک برصورتده واقع اولدینی کی، حق سکننجی عصر ظرفنده بيله بو افتراق او قدر صریح بر حال آلامامشدر . المزده کی ناقص وثیقه لره کوره، اکاسکی آذری شاعری اواق اوزره «شیخ عزالدین پورحسن اسفراخی» بی طانیورز . هجری « ۶۴۲ » تاریخنده ثولن « رضی الدین علی لالا ، نک مریدی « شیخ

حسن اوغلو

جمال الدین احمد ذاکر ، خلفا سندن اولان بو « شیخ عزالدین پورحسن اسفراخی » تورک صوفیسی ، ۷۰۰ تاریخلرنده یاشامش وشهرن قازانمشدر . فارسیده « پورحسن » و تورکجه ده « حسن اوغلو » تخلص ایده رک تورکجه وعجمجه شعرلر یازان بو ذاتک دیوانی ، « دولت شاه سمرقندی » زماننده بيله آذربایجان و آناطولی تورککاری آراسنده بک معروفدی . سکننجی عصرده شعرلری قیچاق ومصر حوالیسنه قدر انتشار ایدن بوبویوک شاعرک تورکجه دیوانی هنوز میدانه چیقمامشده ، اخیراً المزه کچن صنعتکارانه برهنلی ، اولجه تخمین ابتدیکمزوجهله ، اونک آذری شیوه سیله یازدینی کوستر مکده در . ایکی عثمانلی شاعرلرندن « احمد داعی » نک مشهور برهنلی ، شهره سزه حسن اوغلو ، بی نظیراً یازیلشدر . بودورلرک سیاسی ومدنی حیاتی ایجاباتندن اولارق « اورته آسیا ،



خوارزم، قباچاق، آذربایجان، عراق، آناتولی، مصر، کی تورک حاکمیتی آئنده کی مملکتلر آراسنده، بالکیز سیاسی دکل اقتصادی و جرنی بک سبقی مناسبتلرده موجوددی؛ بناء علیه، هر هانکی بر ساحه یازیلان بر اثر در حال هر طرفه یاییلیور، و تأثیراتی هر طرفه بردن اجرایه موفق اولیوردی. «حسن اوغلو، ندن صوکر، اونی تعمیقاً بو آذری دائره لسانیه سنک مختلف یرلرنده بر چوق آذری شاهلری پیشدییکی طبیعی ایسه ده، زبونلردن باشلیجه ایکیمسی، منشأری اعتباریله قاضی برهان الدین و ارضروملی شرقی آناتولی ساحه سنه منسوب «قاضی برهان الدین» ایله ضریر مصطفی «ارضروملی ضریر» ی - بزه انتقال ایده بیسلن اثرلری سایه سنده بیلیورز. «سالور، قبیله سنه منسوب بر تورک عالم و حکمداری اولان «قاضی برهان الدین» ک [۷۴۵ - ۸۰۱] کورولتولی حیات سیاسی تامامیله معلومدر؛ موخ «عفی» یه نظر آ هر بی وفارسی شعرلرده یازان بوشاهرک، غزلار، رباعیلر و طوبوغلردن مرکب تورکجه دیوانی، آذری لهجه سنک بوتون اوصافی کوسته ریر؛ اثرلرنده، شکک و لسانک ابتدائی لکنه ورکا کشته رغما، صمیمی و جوق جانی، خصوصی برادا واردرد. دنیاتک فانی لکنی، عشق ارلری نظرنده ایکی جهانک برکاسه حکمنده اولدیفی، معشوق و عاشقک وحدتی ترنم ایتمک صورتیله بر آز ایران متصوفلرینک تأثیراتی کوستره ن بوشاهرک منظومه لرنده، هر کونکی حیاتدن آلمش صمیمی، ملی مفهوملرده وارددرکه، اوقابا سطرلر آئنده کندیسنک خشین، جنسکاور، جسور روحی کورونور. [۷۹۰] ده بر «سیر، کتابی و (۷۹۵ - ۶) ده حلب نائی هامیر چوایان، نامه بر «فتوح الشام ترجمه سی، وجوده کتیره ن «ضریر مصطفی بن یوسف بن عمر المولوی الارزن الرومی، ده کرک آذری کرک عثمانلی ادبیاتی دائره لرینه ادخال اولونه بیلیر.

لکن، آذری ادبیاتنک بوعصرده کی اک بویوک شخصیتی، تأثیراتنک سید محمد الدین نسیمی وسعت و دوامی اعتباریله بوتون تورک ادبیاتنک اک بوکسک ممثلرندن سایه بیله جکمز «نسیمی» در. سکیزنجی عصرک صوک زمانلرنده عراق، آذربایجان، ایران، حلب و آناتولی ساحه لرنده سرعتله یاییلان «حروفیه، مسلکینک اک مهم ارکاندن - یعنی واضح مذهب «فضل الله حروفی» مک خلیفه لرندن - اولان بویوک شاهر، صمیمی بروجد صوفیانه ایله فارسی و بالخاصه تورکجه شعرلر یازمش، حروفیلک

انتشاری تاریخنده بویوک بررول اوینایه رق آنا طولیده ده دو قوزنجی عصر دن اعتباراً «رفی» کبی مهم شا کردلر یقشدر مشدر. (۸۰۷) ده «حلب» ده دریمی یوزیلن بوالهی صنعتکار، لهجه نظمی اعتباریله تماماً آذری دأره سنه منسوب اولدینی حالده، عثمانلی ادبیاتی اوزرنده ده پک ده رین ایزلر براقدی. «فضولی» ده داخل اولق اوزره بوتون آذری شاعرلری، ایکی عصر، اونی کندیلرینه مقتدا بیلدیلر؛ بو عصرلر اناسنده یقشدر آذری شاعرلرینک اکثریتله حروفیلکی قبول ایتمه لرنده «نسیمی» نک بویوک تأثیری اولدینی کبی، «حق» «فضولی» ده بیله، لسان، ادا، طرز تحسس اعتباریله اونک نفوذی پک قولای تفریق وتشخیص اولونه بیلیر.

«نسیمی» دن سوکرا، دو قوزنجی عصر ظرفنده آذری ادبیاتینک دو قوزنجی عصر اولدجه انکشاف ایندیکی و «قارا قویونلور، آق قویونلور» کبی تورک آذری شاعرلری سلاله لری زماننده «بغداد» و «تبریز» کبی بویوک تورک مرکز لرینک بر جوق تورک شاعرلرینه جلوگاه اولدینی محققدر. «ماوراءالنهر» و «خراسان» ده تیموریلرک، آنا طولی و روم ایلیده عثمانلی سلطانلرینک قوتلی و بارلاق حرث مرکز لری یار آتمه چالیشدقلری صیراده، بویکی ساحه اورتهمنده متوسط بروضعیتده قالان آذری شاعرلری، کندی لهجه لرله یازدقلری قدر فارسی لسانیه ده دیوانلر ترتیب اییدیورلردی. بوندن دولاییدرکه اودوره طائفه تذر کره شعرا، لرده تورکجه یازان بر جوق شاعرلر ساده جه عجم شاعری اولارق قیدایدیلشدر. برکت ویرسون عثمانلی تذر کره چیلرینک همی سایه سنده، عثمانلی سرایلرینه بو عصر اناسنده کان برطاقم آذری و چغتای شاعرلرینک اسملری و بعض اثرلری مضبوط و مقید بولونیور: «خلیلی، بصیری، جملی، الخ...» کبی. بوجریان اوتنجی عصرده ده دوام ایده رک، شرق مملکتلرندن عثمانلی ساحه سنه مختلف شاعرلر کتیر مشدر. بودورلر مناسبات فکریه سنک وسعت و ماهیتی حقنده بر فکر ویرمک و آذری ساحه سنک نه کبی ادبی و حرثی نفوذلر آلتنده قالدیغی کوسترمک اوزره، «یاووز سلطان سلیم» «تبریز» «دخولنده چغتایجه قصیده ویریلدیکنی، کذلک اوتنجی عصرده آنا لسانی آذریجه اولان خراسانده - «نوائی» دورینک حال دوام ایده ن نفوذ و تأثیری آلتنده - چغتایجه نک ادبی لسان اولارق قوللانیلدیغی ده علاوه ایده لم. دو قوزنجی عصرده «آق قویونلور» ساحه سنده یقشدر باشلیجه شاعرلردن، باشده «سلطان یعقوب» اولق اوزره، شاعر «بیخودی» بی، و بالخاصه «فضولی» اوزرنده کی

تأثیری و کړک ترجه حالته مائد معلومات کافیه نك کړک بعض اثرلرینك موجودیتی اعتباريله،  
 «حبیبي» بی ذکر ایده بیلیرز. آذربایجانده کی «کوک چای» ناحیه سنده  
 «برکشاط» قصبه سنده دوغارق ابتدا چوبانلقه کچنیرکن اوزون حسنك  
 اوغلی «سلطان یعقوب» ك [۸۸۳-۸۹۶] لطف تربیتله یقیشن وؤ خراً «شاه اسماعیل  
 صفوی» تدرینه کله رك «ملك الشعراء» پایه سیله تکریم اولونان بو بویوك شاعر، بیلمه دیکمز  
 هر هانکی برسیدن دولایي، «بایزید نانی» دوری اواخرنده استانبوله کلمشدر. سلیم اول  
 دورنده یعنی ۹۲۶ دن اول وفات ایده رك «سودلیجه» ده «جعفر آباد» تکیه سی جوارینه  
 دفن اولونان بوشبی - حق داها قوتلی بر احتمال ايله - «حروفی المذهب» شاعر،  
 «نسیمی» نك داها متکامل بر معقی، داها واضح بر تعیر ايله، «نسیمی» ايله «فضولی»  
 آراسنده بر خط وصل عد اولونه بیلیر. آذری لهجه سیله و اوادیات خاص اولان صمیمی  
 و صوفیانه ادا ايله عاشقانه اثرلر یازدیغندن دولایي، اسکی عثمانلی تذکره جیلری «اداسنی  
 عجمانه و خلاف اسلوب شعرای زمانه» بولمشرلر ده، «برطرز خاص و اسلوب مخصوصی  
 اولوب بوقده فرزانه و طریقنده یگانه اولدیغی» ده اعترافدن کری دور مامشلردی. اودور  
 عثمانلی ادبیاتنك تعقیب ایتمکده اولدیغی مصنع و تکلفلی وادیلره صابماه رق، ساده،  
 صمیمی، صوفیانه و هر حالده بك «اوریز نال» بر طرزه تمایل خصوصنده، «حبیبي»  
 اودور آذری شاعرلری آراسنده بر استئنا تشکیل ایتمز؛ «سلیم اول» دورنده «اسماعیل  
 صفوی» سرایندن استانبوله کلن «شاهی» شرقی، کبی شاعرلرده ده بوتایل بك صریحدر.  
 «حبیبي» له عین زمانده آذری ادبیاتنك اک یوکسك و خصوصی سبالرندن بری ده، شهنه سز،  
 «صفویه» سلطنتنك مؤسسسی «شاه اسماعیل صفوی» در [۹۰۷-  
 ۹۳۰]. «شیخ صفی الدین اردبیلی» دن بری پارلاق برهاله قدسیتله  
 مخاط اولان بوتورک عالمه سی، «شاه اسماعیل» ك یوکسك و هنر مکار  
 شخصیتی سایه سنده، شیخنکله شاهلری مزج ایده رك ایران، خراسان، آذربایجان و عراق  
 حوالیسنده قوتلی بردولت وجوده کتیرمش اولیور و اوساحه لرده عصرلردن بری یاشایان  
 شیمی - باطنی جریانلری «دولت دینی» حاله صوقیوردی. بوتورک دولتنك - آوروپا عالم لرجه  
 حالا آکلاسیلایان - معمای تأسیفی و تورک تمایلات دینی سنك بو خصوصده کی بویوك  
 رولنی دیکر بر اثر مزده مفصلاً آکلا دیغمز جهته، بوراده «شاه اسماعیل» ك دینی و سیاسی  
 شخصیتی اوزرنده اصرار ایده جك دکلز. عصرلردن بری موجود «تورکمن قیزیلباشلنی»

خطابی

«شاه اسماعیل صفوی»

جریانندن اعظمی صورتده استفاده ایله اوجریانك باشنه بکن و برآراق آناطولیده کی  
عثمانی حاکمیتک تمللری صارسان «شاه اسماعیل»، «نسیمی»، «حیی»، «حروفی»،  
ایدی؛ وجدلی و صنعتکار بر روحه مالک اولان بوکنج «رئیس روحانی»، «کندیسه»  
تعبدایدن ایرانی الاصل مریدلری ایچون برطاق فارسی شعرلر یازدینی کی، اصل منبع  
قوتی و استناد کاهنی تشکیل ایدن تورکلر ایچون ده - کوچوک بر دیوان تشکیل  
ایدن جک قدر - صوفیانه و عاشقانه بر چوق منظومه لر وجوده کتیردی . بویوک بر  
«دینی طائفه» Sâcte، نك روحانی و جسمانی رئیس اولق ملابسسه سیله ، اونك  
شعرلرنده، صنعت غایه سندن زیاده مذهبی تلقین و تعمیم غایه سی کوزه نیلمش، یعنی ،  
اسکی تورک صوفیلرینك «خواجہ احمد یسوی» دن بری تعقیب ایتدکاری عنعنیه اتباع  
اولونمشدر . بینه بو عنعنیه اتباع آدرکه «خطابی»، مخلصی قوللانان «شاه اسماعیل صفوی»،  
عجم عروضیله یازدینی اثرلردن باشقا، آذری ساحه سنده و تورکن بویلری آراسنده  
يك قوتلی بولونان خلق ادبیاتی و «یونس» کی اسکی خلق صوفیلرینی تقلیداً، بارماق  
حسابیله ده قوشمه شکلنده «الهی» لر یازمشدر . آناطولی و ایران قیزیلاشلی آراسنده  
بوشعرلر حالا کمال وجدله اوقونمقده و «سوره ک» دیفلن آیینی اجتماعلرده سازله ترنم  
اولونمقده در؛ قیزیلاشلی و سائر اوکا بکزمین «علی اللهیلر» کی زمره لر آراسنده  
«خطابی» بی تقلیداً او جنس بر چوق منظومه لر داها یازیلش و بویله جه «مذهبی  
زمره ادبیاتلری» شکل ایتمشدر . «خطابی»، نك شعرلری «بکناشی» - حروفی، لر  
آراسنده ده - «نسیمی»، نك منظومه لری کی - يك شایعدر . آذری ادبیاتنك عمومی  
تکاملنده «خطابی» نك موقعی ایضاح ایچون شونی سوبله یه لم که، «حروفی» عقائدینه ده  
طرفدار اولان بو شاعر، صراحة «نسیمی»، نك معقب و مقلددر؛ یالکز، موقعی  
و خطاب ایتدیکی زمره نك ماهیتی اعتباریله اونده خلق ادبیاتی تأثیری چوق داها  
قوتلیدر . «نسیمی»، دن «حیی»، یه قدر، رنك صوفیانه سی شکلاً محافظه ایتمکه برابر  
آز چوق «لادینی»، بر ماهیت آلان آذری ادبیاتی، «خطابی»، ایله رحی بر حرکت  
یاهرق تکرار «نسیمی»، دائرة فوذینه کیرمشدر . مع مافیله بو، آذری ادبیاتنك تکامل  
طبیعیسی اوزرنده یابدار بر تأثیر یایامایه رق، ساده جه، مذهبی بر زمره ادبیاتنك تملی  
قورمش، و آذری شعر، «فضولی»، یه قدر، بینه اسکی مجراسنی تعقیب ایتمشدر .  
مع مافیله بوکا رغماً «خطابی»، بی آذری ادبیاتنك - «نسیمی»، و «فضولی»، درجه سنده  
اولماقلا برابر - بویوک شخصیتلرندن بری و بر مرحله سی اولارق قبوله مجبورز .

## « فضولی » رائے

« فضولی » مرقا نور کدر  
 المزدہ کی تاریخی و نیکہ لر بیلدیر میور « ابو الضیاء توفیق » بک ۹۱۰  
 تاریخنہ دوغدیغی سویلر سہدہ، ہیج بروئیکہ استاد ایتمز. « حله » مفتیسنک اوغلی  
 اولدینی حقندہ کی روایت دہ بو نوعدندر. « یالکیز » « عالی » نک مولدا و مسکننا بغدادلی  
 اولدینی سویلہ مہسنہ مقابل، « قینہ لی زادہ » « حله » لی اولدینی، « ریاضی » ایسہ  
 - مشہور قطعہ سنہ استناداً - « کربلا » دہ دوغدیغی ایلری سورمکدہ درلر. بوسوک مطالعہ  
 بزجہ الک دوغر و سیدر. ہر حالہ بوتون بومناہک اتفاق ایتدیکی قطعہ، فضولینک عراق  
 حوالیسندن اولماسندہ در. محل ولادت حقندہ بو قدر اختلاف بولوفان عراقلی شاعرک ہانکی  
 عراق منسوب اولدینی حقندہ المزدہ قطعی دلیلر بولونیور: « قلممان ہوا آرہلہ » « قریب سکی » نک  
 اونی « کورد » عدایتمک خصوصندہ کی ادعایری، شاعرک منسوب اولدینی « بیات »  
 عشرتک بر کورد عشرتی اولدینی ظنندن ایلری کلکدہ در؛ فی الحقیقہ، عراق حوالیسندہ  
 بونامدہ - اصلاً کورد ویا صوکر کوردلہ شمش - بر عشرت موجود اولوب بونلرک  
 اون ایکنجی عصر مبادیسندہ بر طاقم وقایعہ اشتراک ایتدکارینی بیلیور سہ قدہ، بوندن  
 داہا اول، اوغوز بویلری آراسندہ « بیات » اسمندہ بر بوی بولونوب مختلف اوغوز  
 مہاجر تلی انسانندہ بونلردن بر قسمنک عراق حوالیسنہ کلدکارینی، و حق بو کون بیلہ  
 « فضولی » « بیات » نور کلر ندندر  
 عراقک الک کوزل یر تورک قصہ بہ سی اولان « کفری »  
 جوارندہ بو عشرتک کوپلی حالندہ یا شادیغی خاطر لامالی یز.  
 فضولینک یتیشدیکی اوتنجی عصر ظرفندہ، تحصیل و تربیہ کورمش کوردلرک تورک  
 حرثی تازی آلتندہ قالارق حق تورکجہ - طبیعی آذری تورکجہ سیلہ - شعرلری آذقلری  
 معلوم ایسہدہ، « فضولی » بی بو صنفہ ادخال ایتمک قابل اولاماز؛ چونکہ بالذات  
 کندیمی، فارسی دیواننک مقدمہ سندہ کی شوسوزلرلہ، تورکجہ نک کندی آنادیلی اولدینی  
 اعتراف ایتمکدہ در: « بمضاً عربجہ اشعار تنظیم ایتدم و عرب فصاحتی فنوز عربیہ  
 ایلہ ہب محفوظ قیلدم. بونم ایچون قولایدی، چونکہ عربجہ ہم مباحثہ علمہ

لسانم ایدی. بمضاً اسب طبعی تورکجه میداننده قوشدوردیم و تورکجه نك لطائف کلاميله  
تورك نظریاتلرینه فائده بخش اولدم . بوده نیم همچون مشکلاتی موجب اولمادی ، چونکه  
تورکجه نیم سلیقه اصلیه مه موافق کلدی . فضولینک عرقاً تورک اولدیغنه دیگر قوتلی بر  
دلیل ده ، اونک «بایاتلر» دن اولدیغنی ابتدا تصریح ایدن «صادقی» نك، مشارالیهی  
«اتراك خوش طبعلاری» ندن باحث اولان «یدنجی مجمع» ده ذکر ایتمه سیدر.  
زمان ولادتی و عائله سی حقند معلوماتمز اولمایان «فضولی» نك  
همانلیرك بغداد فتحنه قدر  
فضولینک حیاتی  
کنجلیکنی فاضل و زرده کچردیکنی، کیملردن او قوددیغنی  
لاقیله بیلمیورز. دانشمندلکی مناسبیله «ملا» لقبی آلدیغنی ،  
علوم عربیه بی «رحمة الله» دن و ادیبانی ده «حیی» دن او کره ندیکی حقند کی روایتلرک  
نره دن چیقدیغنی مشکو کدر . بو خصوصده اکیزاده تفصیلات ویره ن «صادقی» به کوره  
«ابراهیم خان» معیتند بغداده گلش و اولک سلطان سلیمان قانونی قارشیسینده مغلوب  
اولارق همراهه دونوشنده «حله» ده ظاهراً علمی تحصیله جالیشه رقی آرزمانده  
کسب کماله موفق اولمشدر . بوقیصه و مهیم افاده سائر منابع تاریخیه ایله بک کوچ قابل  
تألیفدر : فضولینک «بنک و باده» سنی «شاه اسماعیل صفوی» به انخاف ایتدیکی  
و «شاه اسماعیل» ک «بغداد» ی ۹۱۲ ده «الاحسین» معیتند بر اووردو کونده ره رک  
ضبط ایله دیکی دوشونولورسه ، هر حالده بو اثرک ۹۱۴ ایله - شاهک تاریخ قانی اولان -  
۹۳۰ آراسینده وجوده کلدیکی استدلال اولونه بیلر . «صادقی» نك بحث ایتدیکی  
«ابراهیم خان» «کلنج» ، «فضولی» نك «بمحمدالله و المنه که توفیقات ربانی ✽ بتوردی  
منزل مقصوده ابراهیم سلطانی» مطالعی قصیده سنده موضوع بحث اولان وینه او  
قصیده دن «مشهد» دن کلدیکی و قویو برشبی اولدیغنی استنباط ایدبله بیلن بو ذات ،  
«شاه طهماس» ک ایلك سنه لرند «بغداد» ده صفویلر نامنه اجرای حکومت ایدن  
«موصلو» آدی کورد قبیله سنک رؤسائیدن «ابراهیم خا موصلو» در . «فضولی» بی  
بونک معیتند کربلادن بغداده گلش عداوتسه کبیله ، «صادقی» نك افاده سی ینه ناقابل  
ایضاح قالیور ؛ چونکه «ابراهیم خان» سلیمان قانونی قارشیسینده مغلوب اولماش ،  
معیتله برابر «شاه طهماس» نزدینه کیده رکن ، عثمانلی حکمدارینک حمایتی آلتنده  
«بغداد» ده اجرای حاکمیتی قوران برادرزاده سی «ذوالفقار» ک غدر و خیانتیه  
مقتول دوشمشدر . بغدادده «ذوالفقار» ک حاکمیتی اثناسنده و مؤخرأ «شاه

طهماس ، ك شهرى يكیدن استردادنى متعاقب « فضولى » نك ناصلى و نزمده ياشاديني  
 بيله مبرز ؛ يالكنز [۹۴۱] ده « سلطان سليمان قانونى » بغدادى ضبط ايتديكى زمان ،  
 « فضولى ، نك ، عثمانلى حكمدارينه « كدى برج اوليا به پادشاه  
 هائلير دورنده فضولى نامدار ، تاريخ مشهورنى محتوى قصيده سنى تقديم ايتديكى ،  
 كذلك صدر اعظم ابراهيم پاشايه ، قاضى مسكر قدرى اقتدى به ، نشانجى جلالزاده به  
 قصيده لرويره رك ، اوردوده بولونان شاعر « خيالى » ايله ده مناسبات دوستانه ده بولوندينى  
 معلومدر . فضولى ديواننده داهابونلردن باشقا برطاقم عثمانلى رجال و امرا سنه ، مثلا  
 رستم پاشايه ، محمد پاشايه ، آياس پاشايه تقديم ايديلش قصيده لر واردركه ، بونلر ،  
 زاوللى شاعرك ، صفويلر دورنده اولدينى كې عثمانلير زماننده ده لايق اولدينى درجه ده  
 تقدير و ترفيه ايديله ديكنى كوسته ريور . نشانجى محمد پاشايه يازدينى مشهور مكتوب ده  
 بونى مؤيددر . بوتون فضل و عرفانه ، قدرت صنعتكارانه سنه رغماً حياتى دائمادى  
 احتياجلر ايچنده كچيرن بوداھى شاعرك زمان و فائقى قطعه تله تعيين نمكندره : همشهرى سى  
 و معاصرى اولان تذكره صاحبي « عهدى » ، « كچدى فضولى » ، جمله سنك افاده  
 ايتديكى وجهله ۹۶۳ ده « كربلا » ده طاعوندن اولديكنى سويلركه ، « رياضى »  
 و « قافزاده » تذكره لرنده ده بونارخ قبول ايديلشدر . يالكنز « كاتب چلى » ،  
 « كشف الظنون » ده ۹۷۰ حدودنده وفات ايتديكنى ادعايده رسه ده ، بو ، « كچدى » ،  
 كله سنك « كوچدى » ، شكندره يازيلماسيله تاريخك ۹۶۹ - يعنى ۹۷۰ حدودينه -  
 چيقاريله سندن ايلرى كلن بر خطادر ؛ بويا كليشلا نك فرقه و ارامايان بعض آوروپا  
 مؤلفلريله « ابوالضيا توفيق » و « بروسلى طاهر » بكار ، شهبه سزه آلدانمشلدر . بوندن  
 اون ايكي سنه قدر اول « كربلا » ده فضولينك تربيه سنى زيارت ايدن « على سعادت » ،  
 اوصيراده تعمير ايديلكده اولان تربيه نك حالى و تربيه نى احتوا ايدن بكتاشى درگاهنده  
 « فضولى » حقه ده موجود غننه نى ضبط و تثبيت ايتمشدر .  
 كربلا ده فضولينك قبرى غننه به كوره ، بوتكيه نى فضوليله معاصر اولان « عبدالمؤمن دده »  
 تاسيس ايتمش ، اوكا انتساب ايدن و تكيه نك « چراغسوز » ، ي اولان « فضولى » ده  
 وفاتنده - وصيتى موجبجه - شيخك يانسه دفن اولونمشدر : « محسن شريفك بويوك  
 قابيلردن برينه قارشى كلن و آنجا ق ديوارلرى باييلار ق قبه سنك داهايو كسه له ممش  
 محبظنده ديوار جيلر ايشله ين تربيه فضولى به داخل اولدق . ايشه جيلردن برى ، قبه نك

باشلايه جنی درت کوشه لرده هر بکاری تزیینات معماریه قاپارتمه لری یا بمقله مشغولدی .  
 باصدیتمز یرك آلتنده فضولی ایله عبدالمؤمن دده یاتیورلردی . تربه نك جه سوسی سواقدن  
 بر مترو قدر ایچرك و براوقدرده یوکه کجه ایدی . اوکنده جه نك طولنجه قالاچق  
 اولان او برمترو عرضنده کی اوزونجه بوشلفك ایکی کوشه لرینه برر سروی دیکيله جك ،  
 قاینك جانینه برر کتابة یازیلارق اوکنده میرپارماقلق چکیله جکدی . . . عهدی ، نك  
 ویردیکی معلومات ، فضولینك ، فضلی ، آدلی براوغلی اولوب  
 فضولینك اوغلی « فضلی » اونك ده شاعر لکله ایچ شهرت قازانیدی ، تورکجه دن باشقا  
 عربی و فارسی منظومه لرده انشاد ایتدیکی و بالخاصه « معما جلیق » ده و « تاریخ »  
 سویله مکده استعداد مخصوصی اولدیغی کوسترمکده در . « سلطان سلیم ثانی » دورنده  
 بغداده والی اولان « مراد پاشا » ، بغداد میداندنه بر جامع انشا ایتدیردیکی زمان ،  
 « فضلی » اوکا بر تاریخ سویله مشدرکه ، « نظمی زاده » بونی اثرینه نقل ایتمشدر .  
 شه سز باباسیله - حق اوزاقدن - مقایسه ایدیله بیله جك بر شاعر اولمایان « فضلی » دن  
 باشقا ، فضولینك عائله سی حقنده هیچ بر معلوماته تصادف ایدیله میور .

فضولینك هانکی مذهبه منسوب اولدیغی مسئله سی شوشوک  
 « فضولی » نك شیعیلک زمانلرده مطبوعات ساحه سی براز فضله جه اشغال ایتدیکی ایچون ،  
 شاعرک روحی آکلامق اعتباریله جداً مهم اولان بونقطه یی براز توضیح ایجاب ایدر .  
 الهم موجود مختلف وثیقه لر و بالذات شاعرک اثر لرینه نظراً ، فضولینك « شیعیلی »  
 بر حقیقت تاریخچه در . فضولینك سنی اولمادیغی آکلامق ایچون ، یالکیز دیوانك ندقی بیله  
 کافیدر ؛ بو دیوانی سنی شاعرلرک دیوانلریله قارشیلانیرنجه ، مسئله کندی کندی  
 توضیح ایدر ؛ چونکه فضولی نعتلرنده ایلك اوچ خلیفه دن اصلاً بحث ایتمه مشدر .  
 حالبوکه ، سنی شاعرلر درت خلیفه حقنده اکثریا آیری آیری نعتلریازدقلری کی ،  
 حضرت پیغمبره طائد نعتلرنده ده مطلقاً اونلردن بحث ایده رلر . فضولینك بوتون  
 « دوازه امام » و « شاه ولایت » قصیده لرینه قارشی ، سنیلك علامق اولارق  
 کوستریله بیله جك یگانه پارچه لری ، « بونده اولمش منتشر فیضی امام اعظمک » مصرعیه ،  
 « لیل و مجنون » مقدمه سنده کی نعتک :

ارباب صدق و معدت و رأفت و حیا  
 شرمک بو درت رکن الیه بر معتبر بنا

ای چار یار کاملک ایمان ملک دین  
 دورک بودرت فصل الیه بر معتدل زمان



پتله شدن عبارت کیدر . مع مافیه بورقاج محدود مصراعك بيله نه کي شرائط دائره سنده  
 یازیدیفنی و شاعر ك صمیمی اعتقادینی کو ستردب کو ستره مینه جگنی ده تأمل ایتلیدر . چونکه  
 « شیعیلک » ده « تقیه » یعنی اعتقادات حقیقیه سنی ایجابات زمانه کوره کتم ایده رک باشقا  
 شکلر آلتنده کو سترمک بویوک براساسدر . عثمانلی وصفوی خاندانلری آراسنده کی رقابت  
 سیاسیة نك « سنیلک - شیعیلک » دعواسنی الك حاد برشکله سوقدینی و شیعیلرک تکفیر و قتل  
 اولوندینی برصیراده « بغداد » ی یکی فتح ایدن سنی خلیفه سنه ویردیکی قصیده ده و فضولی نك  
 بوقدر برجیله کو سترمه سی ضروریدی . کذلک ، « لیلا و مجنون » ک ده عثمانلی حاکمینی  
 آلتنده یاشایان شیعی شاعر طرفندن « سلیمان قانونی » نامنه اتخاف اولوندیفنی ده  
 اونو تمامه لیدر مع مافیه ، بوجوق صمیمی شاعر « تقیه » خصوصنده لازم کان احتیاطی  
 کو ستره مه مش ، اثرلرنده ادای شیعی دائما محافظه ایتشه . بونی برقات داهای تأیید ایچون  
 « بنک رباده » بی کو ستره بیلیرز : « شاه اسماعیل » ، اتخاف ایدیلن بوکو چو کرساله ده ،  
 اوج بیتلک بر نعتدن صوکر « شمه و صف حیدر کرار » سرنامه عذر آمیزی آلتنده  
 درت بیتلک بر مدحیه ، شیعیلکنه بارز مثالدر . حالبوکه اوکا مقتدا اولان و نظامی ،  
 جامی ، نوائی ، کبی سنی شاعرلر ، مثوبلرنده مطلقا « جاریار » حقنده مدحیلر  
 یازمشلردر . فضولینک صفویلر زماننده یازدینی قصیده و مرثیه لر ، شاعر ك صمیم  
 روحی بزه هیچ شبهه یه محل باقیه جق بر بلاغت و وضوحله آکلا تمقده در . دیوانده  
 مهم بر یکون طوقان بو اثرلردن باشقا ، عثمانلی رجالنه تقدیم ایدیلن قصیده لرده بيله  
 - جوق احتیاطکار اولمقله برابر - ینه محسوس برادای تشبیح واردر . اثرلرینک بو  
 شهادتی نظر اعتباره آلتاسه بيله ، الله موجود متعدد تاریخی وثیقه لر بو حقیقی کو سترمکده در .  
 اولاً : زمانی ، موقع اجتماعی ، تربیه فکریه و ادبییه سی اعتباریله  
 اودور شاعرلرینی یک یقیندن طانیدیفنه شبهه جائز اولمایان و فضولی ، بی  
 بغداد شاعرلرینک ادبییه عد ایتک صورتیله ذوق ادیبی کو سترن  
 « سام میرزای صفوی » ، مشهورند کره شعر اسنده اوندن بحث ایدرکن « اشعارینک اکثری  
 منقبت ائمه دیندر » قیدمه منی وضع ایدیورکه ، بوفاده ، فضولینک ، یالکیز « شیعی شاعر ،  
 نکل عین زمانده مذهبی موضوعلر اوزرنده شهرت قازانمش بر « شیعیلر شاعری »  
 ولدیفنی آکلا تمقده در . ثانیاً : ایران تورکلری آراسنده « فضولی » نك شیعیلکی  
 حقنده کی عنقنه نك اوزون مدت دوام ایتدیکنی ، « اولیاچلی » نك « درکزین » ده

فضولینک شیعیلکی  
 حقنده تاریخی وثیقه لر

تماشا کری اولدینی **هفته نامه فضولینک** «مقتل حسین» ینک او قونمه سی ده تأیید ایدره. اکر بوشاعرك سنیلکی حقنده ایران تورککری آراسنده الك اوراق بر روایت ، برشبه موجود اولسهیدی ، متعصب شیعیلرک بونی اصلا او قومیه جقلری پک طبیعیدی . اساساً «فضولی» سلطان سلیمان قانونینک صوک زمانلرنده و محمد پاشانک وزارتتی اناسنده — یعنی حیانتک صوک سنه لرنده — یازمش اولدینی بواژده ، سذیلری اغضاب و تحریک ایتمه مک اعظمی درجه ده جالیش مقوله برابر ، تشیعنی صاقلامغه موفق اولامامشدر . ثالثاً : فضولیه معاصر اولمق اعتباریه اودور آدملرینی پک اپی بیان «اخلاق علائی» مؤلف فاضلی ده فضولینک «رافضی» اولدینی ادعا یتیمکده در . بوتون بو وثائق مهمه یه ، بغداد حوالیسینک اواننده کی وضعیت مذهبییه سی حقنده کی معلوما تمزده انضمام ایدنجه ، فضولینک شیعیلرکنده آرتق هیچ بر شبهه قالمایور . مع مافیه بوتون بونلره علاوه «فضولی» نک بو خصوصده کی صریح و قطعی بر اعترافیه ده قید ایدلم : فضولینک «علم کلام» ، دایر یازمش اولدینی «مطلع الاعتقاد» عنوانلی مهم برساله ی کوروب او قویان «کاتب چلبی» ، شاعرك بورساله ده «حکماء» و «امامیه» مسلک لرینه کوره سرد مطالعات ایتدیکنی سوبله یه رک ، یوقاریدن بری ذکر ایتدیکنمز دلائل تاریخییه یی قطعاً تأیید و تصدیق ایتیمکده در .

قوتلی برتحصیل کوره رک زماننک علوم و ادبیاتنه تماماً آشنا اولان فضولینک اثرلری ویتیشدیکی ساحه اعتباریه تورکجه دن باشقاعربی و فارسی لسانلرینه ده لایقینه کسب و قوف ایدن «فضولی» بو اوچ لسانده منظوم و منثور بر چوق اثرلر وجوده کتیرمشدر . بو کوچوک خلاصه ده بو اثرلر حقنده اطرافلی معلومات ویرمک قابل اولمادینی جهتله ، یالکیز، قیصه جه اسملرینی ذکر ایدره رک غایت بسیط و عمومی بعض ایضا حائله اکتفا ایده جکنز .

۱ . — تورکجه دیوان . مختلف طبعلری و متعدد یازمه لری بولونان بو دیوان نسخهلرینی طوبلایه رق «تنقیدمتون» اصولنه رعایه یتکی و شایان اعتماد بر طبعنی وجوده کتیرمک ضروریدر .

۲ . — فارسی دیوان . فضولینک فارسی شعرلرندن ابتدا «سام میرزا» بحث ایتدیکی کبی ، «صادق کتابداری» ده «جمع الخواص» آدلی تذکره سنده فارسی دیوان غزل و قصاید ترتیب ایتدیکنی سویلر . بودیوانک فضولی په عائد شایان دقت معلوماتی احتوا

ایدهن منثور مقدمه سی، دیوانده بولونمایان بعض شعرلریله برلکده « فضولینک غیرمطبوع اشعاری » عنوانی آلتنده فائق رشادیک طرفندن باصدیریلشدر . مختلف کتبخانه لرمنده بونک یازمه نسخه لرینه تصادف اولونور .

۳ . — عربی دیوان . شاعرک عربی دیوانی اولدیفنی ابتدا سویله یین « صادقی » در . بروسلی طاهر بک « اوتوزبیک بیتلک عربی دیوانی جواهر ملتقه صاحبی لیب افندی کوردیکنی ، سویلر سده ، بوروایت یا کلیشدر ؛ چونکه لیب افندی بالذات کوردیکنی سویله ممش ، « صادقی » نک افاده سنی عیناً « جواهر ملتقه » سنه نقل ایتمشدر . عربی دیوانک اوتوزبیک بیت اولدیفنی ده دوشورودکلدر ؛ صادقی ، فضولینک ال یازیسیله یازیلش تخمیناً اوتوزبیک بیتلک اشعارینی کوردیکنی سویلر . بو عربی دیوان ، نیم بیلدیکمه کوره ، بوکون میدانده یوقدر .

۴ . — لیل و مجنون . کلیاتله برلکده موجود طبع لرندن باشقا آیریجه استانبول ، تبریز و طاشکندده باصیلشمش اولان بو منظومه نکده ، لسان اعتباریله شایان اعتماد یکی برطبی لازمدر .

۵ . — حقیقه السعداء . حسین واعظک « روضة الشهداء » سنک توسیع و تعدیل ایدیلرک ترجمه سیدر . مطبوعدر .

۶ . — بنک و باده . شاه اسماعیله اتخاف ایدیلن بو تورکجه کوچوک مثنوی کلیات داخنده طبع ایدیلشدر .

۷ . — ساقی نامه . فارسی ، مثنوی طرزنده بر منظومه درکه کلیات ایچنده مطبوعدر .

۸ . — محاوره رند و زاهد . « کاتب چلبی » نک بحث ایتدیکی بو فارسی اثر ، ۱۳۱۵ ده اسکنداری مصطفی سالم افندی طرفندن ترجمه ایدیلشدر .

۹ . — رساله صحت و مرض . اصلی فارسی اولان بورساله لیب افندی طرفندن ترجمه و ۱۲۷۳ ده طبع اولونمشدر . ساده لشدیرلش بر ترجمه سی مؤخرأ طریزوننده باصیلشمشدر .

۱۰ . — نشانچی پاشا مکتوبی . « شکایت نامه » عنوانیله معروف اولان بو قیمتی مکتوب کلیات ایچنده مطبوعدر .

۱۱ . — ترجمه حدیث اربعین . « جامی ، نوائی » و داهابوکی برچوق عجم و تورک شاعرلرینک وجوده کتیردکلی متعدد حدیث اربعین ، ترجمه لرندن بری اولان بوانر ، اونی کوره ن « کاتب چلبی » نک روایتله نظراً « مناجامی » نک ترجمه ایتدیکی احادیثک

تورکجه قطعه لرله ترجمه سندن عبارتدر . بریازمه نسخه سی ملت کتبخانه سنده در .  
۱۲ . — مطلع لاعتقاد . کلامه عائد اولان بورساله یی « کاتب چلبی » کورم مشدر .  
نسخه سینه شیمدی یه قدر تصادف ایتدم .

۱۳ . — شاه وکدا . فضولینک بو عنوان آلتنده تورکجه برائری اولدیغنی « صافی »  
سویلر سده ، بوکاده راست کلینه مه مشدر .

۱۴ . — انیس القلب . « خاقانی » نک قصیده شینه سنی ، و اوکا نظیره اولان  
« امیر خسرو » نک « مرآت الصفا » سیله « جامی » نک « جلاء الروح » یی تعقیباً  
« فضولی » نک بونام آلتنده یوز قرق اوج بیلک بر فارسی قصیده سی اولدیغنی « کاتب چلبی »  
سویلر . قصائدی محتوی فارسی دیواننده بونک بولونماسی ایجاب ایدمه .

۱۵ . — رساله معما . یازمه نسخه سی ملت کتبخانه سنده موجوددر .

فضولینک دهاسی و شخصیت صنعتکارانه سی حقیقه کی مطالعه لر منری دها  
صریح رشکده عرض ایده بیلیمک ایچون ، بوتون اثرلرینی آیری آیری تحلیل  
و تنقید ایتیمک ، مقایسه لرده بولونمق ایجاب ایدمه ردی حالبوکه بو کوچوک مقاله ده ، حتی الک قصیه  
تحلیل لرده بیله بولونما یه رق ، ساده جه ، بو خصوصده کی تدقیقا تمزک نتیجه لرینی سوبله مک  
اضطرارنده بولونیورز . فلسفی — صوفیانه فکر لرله پک زیاده استیناس ایتدیکی و قوتلی  
برتحصیل کوردیکی محقق اولان « فضولی » ، او دور آذری ادبیاتنک بوتون خطوط  
میزه سنی اثرلرنده کوسته بر : « نسیمی » و « خطایی » ده اعظمی حدینی بولان مسلك  
پروپاگاندا جیلانی « فضولی » ده اولما مقله برابر ، فلسفی — صوفیانه فکر لرلرونک نسج  
الهامنده پک بارزدر ؛ غزل لرنده و « لیلای مجنون » نده تقدیس و ترنم ایتدیکی « عشق » ،  
هیچ بر زمان تمامیه « لادینی profane » برماهیت عرض ایدمه یور ؛ قوتله ادعا اولونه .  
بیلیرکه « فضولی » اثرلرنده ، مادی عنصر لرلردن مرکب بر عضویتک جسمانی احتراصلرینی ،  
آتشلی رعشه لرله صار صیلان بر مجموعه اعصابک اته و کیسکه صوصامش جوشغون جمله لرینی  
دکل ، « لیلای » سنی کندی وجداننده بولان ساکن ، فداکار ، الهی بر عشقی ،  
« عشق مطلق » ی ، « عشق افلاطونی » یی ترنم ایتمشدر . شاعرک حسی تمایلاتیه فلسفی —  
صوفیانه ماهیتده کی تربیه فکریه سی بر بریله چوق آهنگدار بر طرزده امتزاجه موفق  
اولدیغندن ، اکثر صوفی شاعرلرک یاوان و مزعج دستور لر حالته صوقد قلمی بو « عشق  
مطلق » تلقیسی ، اونده بر مفهوم ذهنی حالندن قور تولارق ، جانی و یوکسک بر شکل

آلدی . حزن شاعرانه ، فراغت و نوکل ، صمیمیت ، دهرینلک کبی برجوق اوصاف  
ایله تمایز ایدن بو «عشق» ، فضولیده علی العاده برتاقی ، بر مفهوم حالنده قالماش ،  
اونک روحنده قوتله یاشامش و اثرلری یاشاتمشد . حسی وادیدن چیقارق «قصیده»  
طرزینه و «تصویر» تمایل ایتدیکی زمانلرده ، «فضولی» نك بردن بره آلچالیدیغی ،  
بك دهشتلی بر «تصنیع متبحرانه» یه دوشدیکفی کوریورز : قلبی دیکارکن صفوت  
وسادکیسفی ، ساده دلانه معصومیتفی - متلا «یونس» ده یاخود «مولانا» ده اولدیفی  
کبی شعورسز دکل ، بالعکس شعورلی و حسابلی بر صورتده - محافظه ایدن بویوک شاعر ،  
قصیده لرنده ، هر نه دنسه ، نامتناهی کلمه و فکر او یونجاقلرینه صابلا نوب قالیور . آذری لهجه سیله  
یازدیفی جهتله لساننده کی بر طاقم یانجاقلره رغماً ، اثرلرینک عصر لرجه عین تازه لیکی  
محافظه ایدرک یاشامه سی ، بزم نقطه نظر مزه کوره ، یاشادیفی و یاشادیفی الهی ،  
مفکوروی عشقک یوکسک و فوق الانسانی ماهیتنده ، روحک اضطرار بلری طانی بر تسلیله  
آووتان دهرین فلسفه سننده در .

تورک ادبیاتنک مخلف ساحه لری اوزرنده ، عصر لر دن بری ، «فضولی»  
قدر اجرای تأثیر ایتش شاعر بك آذر : «نسیجی» و «نوائی» دن  
و تأثیراتی  
صوکر آنجا «فضولی» درکه تورک عالمنک هر طرفنه اثرلری یاییلمش ،  
اوقونمش ، سه ویلمش ، تقلید و تنظیر ایدیلشد . یالکیز «فضولی» بی یتیشدیرن آذری  
ساحه سی دکل ، عثمانلی و چغتای ادبیاتلری ده عصر لر دن بری اونک قوتلی نفوذی آلتنده  
قالمش لردر . «طاشکند» دن «قازان» ، «قریم» دن «ماجارستان» سرحدلرینه ، «بغداد» دن  
«قاهره» یه ، «تبریز» دن «بخارا» یه و «استانبول» . قدر بوتون تورک ساحه سی ، عصر لرجه  
اونک ترنملری دیکله دی . آذربایجان ، ایران و جنوبی قافقاس تورک لرینک ، فارسینک  
مدهش تیوگمنه رغماً عصر لرجه تورک کلرینی محافظه ایتمه لرنده ، تورک عالمنک معنوی  
و حدتنک بوزولمامه سننده ، «فضولی» نك بك بویوک بر تأثیری واردر . دینیه بیلیر که بوتأثیر ،  
وسعی و دوامی اعتباریه ، فضولینک ده ای صنعتیه متناسبدر . آذری ساحه سننده داها  
حال حیاتنده بویوک بر شاعر اولارق طاینان «فضولی» ، عثمانلی ساحه سننده ده بك چابوق  
شهرت قازانمشدر : «لطیفی» دن صوکر «عاشق چلبی» و «حسن چلبی» اونک موقع  
بلندی تسلیم ایتدکلری کبی ، «عالی» و «ریاضی» ده حقنده چوق تقدیرکار داورانیورلر .  
اوتجی عصرک «باقی» تیغی ، کبی بللی باشلی شاعرلری اونی تنظیر و تخمیس ایتدکلری

کبی ، اون برنجی ءھردن اعتباراً بوتأثیر متمادی صورتده ارتمش ، و فضولی تأثیری  
 یالکز قلاسیق ادبیات اوزرنده دکل «کوهری ، عاشق عمر ، دردلی ، کبی خلق  
 شاعرلری آراسنده ده کوزه چاریمغه باشلامشدر . «نامق کمال - ضیاپاشا» دوری «فضولی» به  
 ادبیاتمزدہ کی حقیقی موقعی ویرمش و «توفیق فکرت» نسلی بوموقی برقادها ترصین  
 واعلا ایتمش اولقله برابر ، تورک دھاسنک بوبویوک ممثانی لایق اولدینی اھمیتله تدقیق  
 وایضاح وظیفه سی ، ملی شعورینی ادراک ایدہن بوکونکی نسله ترتب ایدیور . «عراق»  
 ضیاغندن متولدالملمرنی ، هیچ اولمازسه ، «فضولی» بی قازانقله تلافی به چالیشلم !

کوبیلی زاده محمد فؤاد

استانبول دارالفنوننده «تورک ادبیاتی تاریخی» مدرسی